


彊邨叢書



彊村丛书

朱孝威 辑校

上海书店出版
江苏广陵古籍刻印社

上海书店上海发行所发行
上海市印刷七厂印刷

开本 787×1092 毫米 1/16 印张 106 1/2
1989 年 7 月第一版 1989 年 7 月第一次印刷
印数 00001—01000

ISBN 7-80569-069-3/Z·4

全 2 册 定价 68.00 元

序

傳竊聞之下士聞道大笑之不足以為道樂然後
笑人不厭其笑則知笑之為辭蓋一名而二義也逖齋
先生以宏博之學發為經緯之文形於言語議論著於
發策決科高妙天下模楷後學以其緒餘寓於長短句
豈惟足以接張于湖吳敬齋之源流而已竊窺其措辭
命意若連岡平隴忽斷而後續其下語造句若奇葩麗
草自然而敷榮雖參諸歐蘇柳晏曾無閒然而先生自
謂詩不甚工棋不甚高常以自娛人或從而笑之豈非
類下士之聞道也歟先生亦有時而笑人豈非得樂然
後笑之笑也歟竊嘗盥浴誦瑞慶節之詞如福若高宗

笑序

太平賓過仁祖之句則知愛君之意為甚厚送太夫人
之詞如別駕奉安與前呵方塞途之句則知尊親之心
為甚篤如婦姑夫婦孫和子同住人間五百年花縣飛
鳧烏芝庭捧鶴書之句則知慶源流長椿桂爭芳卓為
當世之偉觀如一笑對西風如一聲啼鴂五更鐘之句
則知有言外不盡之意殆不食煙火人所作近世詞人
如康伯可非不足取然其失也詼諧如辛稼軒非不可
喜然其失也粗豪惟先生之詞典雅純正清新俊逸集
前輩之大全而自成一家的機軸傳稽山宋學璧水書
生天假厚幸獲遇先生展驥雄藩傳深愧棲鸞下邑首
蒙知遇賜以珠玉斂衽莊誦玩味三復不容自嘿輒推

鹽村丛书

原笑笑之旨記於篇云時太歲庚午嘉定三禩仲春既
望會稽詹傳敬書

笑序

笑笑詞目錄

萬年歡

菩薩蠻十五

漁家傲二

傳言玉女

鷓鴣天二十

西江月十七

昭君怨二

玉樓春二

鵲橋仙十一

浣溪沙四

好事近三

滿江紅三

念奴嬌

虞美人四

醉落魄

采桑子二

朝中措

卜算子二

減字木蘭花四

柳梢青五

笑目

生查子二

點絳脣四

江城子

臨江仙二

霜天曉角

踏莎行七

南歌子二

好事近

卜算子二

更漏子

謁金門

鷓鴣天

秦樓月

卜算子

臨江仙

笑笑詞

臨江 郭應祥 承禧

萬年歡瑞慶節

佳氣蔥蔥望長安日下鷺鸞翔舞天祐皇家當年挺生

真主令節標名瑞慶曾未數電樞虹渚人都道福若高

宗太平寶過仁祖需雲燕錫廣宇有霓旌絳節西極

金母笑捧蟠桃更酌九霞清醕持向兩宮三殿願歲歲

此觴同舉南山壽海算沙量定應高出前古

菩薩蠻喜雪

當年瑞雪多盈尺今年僅有些兒白天欲兆豐年須教

趁臘前南枝初破萼風味渾如昨快與瀉銀瓶寒醅

笑

醉易醒

又施尉生日

開禧三月初逢九持杯來慶梅仙壽警捕恰三年四封

人宴然政成應不日去作朝京客陰德合長生休看

三住銘三仕銘施肩吾作子近得御書

又立春日

雪銷未久寒猶力霜華特地催晴色殘臘尙餘旬隔年

先見春獨憐霜點鬢羞戴銀幡勝百里卻熙然今年

強去年

又同僚友泛舟作

泉江三遇昌陽節棹歌還向中流發急漿更輕橈看誰

尊得標 明年歸紫淦尙憶舟同泛應有舊雙鬟能謳
菩薩蠻

又六月十三日同官攜具以予被薦

轉頭又是清秋近晚風淅淅涼猶嫩多謝客攜觴空慙
畫餅章 中亭明月可未要親燈火十闌望舒圓歸期
在眼前

又丁卯壽李嗣宗

去年持酒爲君壽勸君快上懸車奏通籍已金閨腰銀
袍亦緋 壺中閒日月自有長生訣父子弟兄賢一門
行地仙
又去歲壽李嗣立

笑

二

誕辰遲似秋三日草堂已有新涼入鬢綠未全霜欣然
把一觴 吟松新納祿共享清閒福兩箇老人星君家
難弟兄

又

牡丹已過餘醺謝那堪風雨連朝夜底事最堪悲春歸
人未歸 春宜留取佳人卻推將去早晚遂江濱歡然
誇尹新

又丁卯八月九日鵬飛集作

秋堂積雨新涼入今宵雅趁鵬飛集勁翮曾高風功名
欸唾中 筆頭元有準快寫平生蘊何日捷書來重陽
把一杯

疆村丛书

又三月六日靜勝小集

去年今日游稽古爛斑曾著萊衣舞四世共團欒津然
一笑歡 歸期今不遠孥累俱先遣猶有社中人相從
寂寞濱

又錢太夫人之南豐

修途六月清無暑潘輿穩向盱南去喜氣已津津平反
一笑春 人言陰德報羅紙重重誥明歲早歸來泉江
去鷁催

又鄒伯源園木屏次彭子先韻

塗黃仙子嬌無力秋花不敢爭顏色風物一番新從今
到小春 新詞仍險韻賡續慙非稱桃李寂無言此花
笑

笑

三

名獨傳

又縣齋木屏今年殊未開而盆菊特茂盛以晦日約客
未觀嚴桂先觀菊世閒底事真遲速節物苦相催重陽
便到來 白衣何處覓沽酒邀佳客一笑有餘歡官居
終日閒

又送太夫人就養南安

佳辰昨日傳筒黍今朝重把離觴舉別駕奉安輿前呵
方塞途 龐眉真壽相兩處交迎養庾嶺到星沙風光
屬一家

又戊辰重陽

分宜七里逢重九籬根無菊尊無酒蕭颯鬢如蓬不禁

八七七

吹帽風 插花開口笑未分輪年少明歲定王臺傳杯不放杯

漁家傲 丁卯生日自作

去歲簿書叢裏過生朝也有人來賀隨分侑尊呼幾箇胡廝和愁顏鎮日何曾破素髮如今添老大歸來方是閒當座旋擘黃柑箋白鹽哩噲囉從他擾擾如旋磨又用履齋韻贈邵惜惜

自古餘杭多俊俏風流不獨誇蘇小又見尊前人窈窕花枝裏貪看忘却朱顏老曲巷橫街深更查追歡買笑須年少悔不從前相識早心灰了逢場落得掀髯笑傳言玉女五月四日孫僉判四昆仲攜具稽古堂觀競

笑

四

渡有作

稽古堂前恰見四番端午自甲子又來江上聽鳴鼙急鼓棹歌纔發漠漠一川煙雨輕舟搖颺浪心掀舞倦客今年續命欠口綵纓歸期漸近剗地縈心緒何日斑衣更看迎門兒女百懷且付尊前蒲黍

鷓鴣天 次孚先韻重陽前兩日無盡藏作

依約灘聲雜瀟聲波光隱映月華明眼前好景真無盡身外浮名儘可輕窮勝賞續歡盟直饒風雨也須晴滿頭插菊掀髯笑笑道齊山浪得名

又癸亥十一月十四日爲內子壽

愛日迎長月向圓當年飛墮蕊珠仙相門赫奕人爭羨

閭則柔嘉世所賢羅紙貴綵衣鮮鼎來盛事樂無邊婦姑夫婦孫和子同住人閒五百年

又甲子重陽

誰道他鄉異故鄉泉江風物似湄湘釵頭綴縵萸偏紫杯面浮金菊倍黃今共古幾重陽休將往事更平章舞衫歌扇姑隨分又得掀髯笑一場

又

風雨瀟瀟舊滿城今年九日十分晴且同北海邀佳客共向東籬看落英羅綺隊管絃聲銀山高處好同登催租豈解妨詩興自是潘郎句未成又甲子十一月十四日壽內子

笑

五

鸞詒雙雙婦與姑家尊榮宦到中都暫時花縣飛鳧鳥新看芝庭捧鶴書梅欲放柳將舒誕辰先占一陽初清心堂下圍紅處賸有長生酒滿壺

又遜齋自作生日

垂領紛紛已二毛可堪州縣尙徒勞催科自笑陽城拙勇退應慙靖節高來祝壽笑兒曹說椿說柏說蟠桃世閒底事非前定妙理還須問濁醪

又宴王園作

休道泉江寂寞濱喧喧歌吹徧城闌莫辭邀賞連三日且慶開禧第一春呼小隊領嘉賓王園佳處踏芳塵星球不用隨歸騎自有山頭月逐人

又乙丑八月十八日壽太孺人

人道今年秋較遲木犀全未放些兒不因誕節開千歲
爭得今辰把一枝呼寶鼎伴渠伊堂萱喜色正融怡

兒前婦後孫曾從歲歲稱觴無盡期

又中秋後一夕宴修成之富正甫作

萬里澄空沒點雲素娥依舊駕冰輪自緣人意看承別
未必清輝減一分傾白墮擁紅裙不知誰主復誰賓

更籌易促愁分袂又作東西南北人

又乙丑歲壽內子

怪得歡聲滿十龍誕辰和氣敵嚴冬安書蓮幕欣頻到
慶事花城喜屢逢瓊液泛寶熏濃華堂交口祝椿松

笑

阿姑同健夫偕老會有重重錦誥封

又丙寅元夕

動地歡聲徧十龍元宵真賞與民同春歸蓮焰參差裏

人在蓬壺快樂中乘皓月逐和風涼輿歸去莫恩恩

班春休道無干炬也有星球數點紅

又壽徐主簿

前數重陽後小春中開十日是生辰二年穩作棲鸞客

百里誰非賀燕人無一事擾天真年登八八愈精神

句稽宜解淹賢轍黃髮猶須上要津

又季功旬會之次日小嶽饒陳巡入鄉

點檢尊前主與賓今宵依舊昨宵人自緣笑語生和氣

不爲風光屬小春香襲麝酒情醇山肴野蔌總前陳
掀髯抵掌君休怪鏡裏星星白髮新

又丙寅歲壽內子

賀了生辰卻賀冬今年樂事又重重壽香歡處芝蘭馥
壽酒斟時琥珀濃偕桂隱到花封迎長介壽恰三逢

明年此日稱觴罷穩上肩輿九里松

又丁卯歲壽太夫人

誕節初開七袞祥今秋仍喜十分涼稱觴堂下孫和息
備福人閒壽且康從庚嶺到章江兩州元自接封疆

兒曹此去分風月萊綵潘興樂未央

又戊辰正月十一日壽八兄

笑

瓶裏梅花香正濃堦前更著錦熏籠且留幡勝明朝戴

其慶桑蓬此日逢眉鎖綠臉長紅後堂無日不春風

明年定又強今歲會有明珠入掌中

又戊辰七夕

令節標名自古聞今宵銀漢耿無雲難尋海上乘槎客

空誦河東乞巧文羅異果炷名熏紉針撚線漫紛紛

蓬萊底事同車處暗想當年鈿合分

又夢符置酒於野堂出家姬歌自製詞以侑觴次韻

我離劉川七載強去思那有召公棠方懷舊友歸鴻閣

忽枉高軒戲綵堂頻舉白臚添香劇談不覺引杯長

官居也有城門禁未到三更儘不妨

七

文戊辰生日自作

古遂長沙千里遙三年三處做生朝
試拈疏蕊銅瓶插更把輕沈寶鼎燒
杯綠泛臉紅潮抱孫娛膝語聲嬌
官居只似私居樣管取寒松最後彫

又丁卯歲壽內子

方是閒堂壽宴開今同生日勝前同
慈闈斑貌看看到別駕除書鼎鼎來
紛綵服灑金杯緩歌慢舞不須催
明年此際稱觴罷醉向裴亭與定臺

西江月七夕後一日縣齋小集

巧節已成昨夢今宵重倒芳尊主賓
和氣敵春溫雄辯高談袞袞
賸把燭花高照頻教舞袖輕翻笛聲
幽咽

笑

八

鼓聲喧卻恨更籌苦短

又鵬飛集作

鎖棘方當拔士揮毫正好摘文詞源
三峽筆千軍盡出平生素蘊
天府佇登名姓夜窗不負辛勤直須
平步上青雲始信文章有準

又

十桂勝如五柳九秋賽過三春蓬蓬
金粟吐奇芬自有天然風韻
休羨一枝高折儘教十里遙聞尊前
若有似花人乞與些兒插鬢

又乙丑中秋前二日約李季功孫仲遠
李茂叔郭元擇

預賞月申刻雨大作酉刻已開霽三更
月出

賞月幾成喜雨開尊仍開棋令人卻
憶敬齋詞小飲不妨文字
底事冰輪未放猶教銀幕低垂休言
動是隔年期開八看看又至

是歲首
閏中秋

又遞壽生日有以喜神之軸來為壽
者懸之照壁遂作此老誰描拙狀今
朝持獻生辰一人能變作三人說與

兒曹未信坐者行者立者化身報身
法身且須辨真假和真肥瘦短長休
問

又壽李知丞

明日恰當人日今年遠勝常年辦香
厄酒壽藍田喜色津然滿面
及成人方競進懸車公獨高齋身閒
便是地行仙贏得千秋強健

笑

九

又戊辰七月十日作

令節無過七夕今年已隔三宵奔馳
五百里而遙行止非人所料
月入尊疊楚楚風生襟袖飄飄不須
抵死殢河橋對月臨風一笑

又席間次潘文叔韻

妙句春雲多態豐姿秋水為神慕潘
應有捧心顰誰是相看楚潤
試問甜言軟語何如大醉高吟杯行
若怕十分深入道對花不飲

又

楚韻相看別有情

洗眼重看十桂轉頭已過三秋人生
遇坎與乘流何況有花有酒
花若於人有意酒能為我澆愁試
撥金蕊

泛金甌比似菊英勝否

又賦木犀次李季功韻

碎影亂篩月地濃香時度風檐淵明有菊徑開三不似
此花雅淡 蘭蕙芬敷可並芙蓉淺俗堪嫌美人妝罷
笑窺簾插些兒正欠

又次彭天若元夕觀燈之韻

歌扇潛同暖吹酒兵頓解寒圍紅蓮絳蠟兩交輝小醉
何妨大醉 落筆君如王勃屬辭我魏周墀明年應記
盍簪時耿耿懷人不寐
又天祐遣餉牡丹侑以新詞次韻爲謝
爲愛臉邊著暈更憐肌裏生香此花端合占年芳兩朶

笑

十

那堪一樣 自歎思歸陶令忽逢好事彭郎朋來異卉

與名章擊節何妨款賞

又賦紫笑花

不但醺醺芍藥此花亦殿餘春麝囊初破酒初醺恰有
這般風韻 爛坼眞成絕倒半開猶帶輕顰不知抵死
笑何人待與折來細問

又壽韓辛

樂事無過新歲生辰恰占元宵眉湘臺下有歡謠令尹
風流年少 暫借牛刀鳬鳥宜參豹尾雞翹政成三異
合歸朝拭目天邊紫詔
又慶太夫人七十

頭上銀幡初卸堂前五綵重飛人言七十古來稀七十

如今已至 斑白元無一點微黃已透雙眉一番慶壽
十年期更慶十番不遠

又戊辰八月一日壽趙永其日社

朔旦生朝同賀壽觴社饗齊傾渭湘元是小東京著箇
風流貳令 地勝豈如人勝秋清爭似官清雙瞳炯炯
鬢青青穩上華途捷徑

又韓亨道席上次方孚若韻

送我恩恩行色賴君袞袞名章德星今夜聚清湘豈羨
瀛洲方丈 賓醉須教主醉更長不怕杯長鳳鳴端合
在朝陽飛詔來從天上

笑

十二

昭君怨 醉別小妓麗華

歌舞籍中第一情致人閒第一年紀不多兒儘嬌癡
昨夜華嚴閣下今夜海棠洞下多少別離情淚盈盈

又乙丑九日前二日偕元擇茂叔季功登高作

去歲銀山塔上今歲金山塔上屈指到泉江再重陽
有菊不妨同戴有酒不妨同醉嘉客與佳賓兩俱新

玉樓春

恩恩相遇恩恩去恰似當初元未遇生憎黃土嶺頭塵
強學章臺街裏絮 雨荒三徑雲迷路總是離人堪恨
處從今對酒與當歌空惹離情千萬緒
又丁卯四月廿三日書考會作

賢僚益友俱親密真箇三年如一日清尊倒處笑喧譁
彩筆吟餘才俊逸杯盤狼藉情真率歌管棋枰仍閒
出今朝又喜蓋朋簪何日定當拋縣紱

鵲橋仙甲子七夕

金風淅淅銀河耿耿七夕如今又至人間喚作隔年期
但只似屈伸指臂羅花列果拈針弄線等是紛紛兒
戲巧人自少拙人多那牛女何曾管你

又甲子中秋

金飈乍歇冰輪欲上萬里秋空如埽一年十二度團圓
甚恰限今宵最好烹麟膾鳳幕天席地爭似杯盤草
草明年應更勝今年但只恐朱顏暗老

笑

三

又口口立春

泥牛擊罷銀幡卸了又是一番春至有人耳畔語低低
道宜入新年吉利堆盤紅縷浮杯綠蠅自有及時風
味從今日日是東風待拚了偎紅倚翠

又乙丑七夕

簿雲籠月輕飄卻暑天上人閒佳節銀河自有鵲爲橋
又那要蘭舟桂楫後期可準新歡如昨選甚輕離易
別姮娥休要妒人呵待更與留連一霎

又周監句會上作

六人歡笑六姬謳唱六博時分勝負六家盤饌闌芳鮮
恰兩月六番相歇特排整整華筵楚楚終是不如草

具賞心樂事四時同又管甚落花飛絮

又旬會作

六丁文焰六韜武略那更六經心醉六人相對座生風
繼六逸當年舊事六州清唱六么妙舞執樂仍呼六
妓大家且飲六分觥看賓主迭居六位

又雨中賞餘醺次周監稅韻

杯盤草草園亭小小不用羅帷錦幄餘醺本是殷餘春
更風雨無端趨卻有詞可和有棋可賭雜以詼諧戲
謔閒時日日可邀嬉又選甚花開花落

又五月四日仲遠浴兒

去年七夕今年五日兩見浴兒高會乃翁種德已多年

笑

三

看袞袞公侯未艾封胡羯末綜維縵絳堪羨金魚垂
袋丹砂白蜜不須塗把續命絲絲與帶

又丙寅七夕

兩情相向一年厮睚等得佳期又到休言夜半悄無人
那喜鵲也須知道來今往古吟詩度曲總漫繫牽懷
抱不如乞取巧些些待見了分明禱告

又丙寅除夕立春骨肉團聚是夕大雪

立春除夕併爲一日此事今年初見席閒三世共團樂
隨分有笙歌滿院一名喜雪二名饒歲三則是名春
宴從教一歲大家添但只要明年強健

又丁卯七夕

今年七夕新秋三日已覺涼生院宇吾鄉風物勝他鄉
那更著萊衣起舞泛槎經歲分銀半夜往事流傳千
古獨憐詞客與詩人費多少閒言潑語

浣溪沙次李茂叔韻

仙子凌波襪有塵翰林摘藻筆如神此花此曲兩無倫
不與妝臺簪寶髻卻來書閣伴幽人恨無佳客只空

尊

又嗣立置酒稽古令予坐東

屈指中秋一日期雨餘雲薄月來遲冰輪猶自欠些兒
世事孰非顛倒相客居東位主人西觴行莫惜醉如

泥

笑

五

又

樹底全無一點紅今年春事又成空不須追恨雨和風
欲去未來多惡況獨眠無寐少歡悰一聲啼鴂五更

鐘

又贈陳惜惜憐憐

尊俎之間著二陳津津眉宇笑生春清歌妙舞兩無倫
叔隗輕盈饒態度小喬嫵媚足精神風流總屬一家

人

好事近丙寅重陽

今日十分晴好箇重陽天氣又向銀山高處爲黃花一
醉泉江風物飽相諳瞥眼過三歲但得明年強健任

舉杯何地

又丁卯元夕

今歲度元宵隨分點些燈火不比舊家繁盛有紅蓮千
朵客來草草辦杯盤餽飣雜蔬果休羨暗塵隨馬與

銀花鐵鎖

又家人生日

今歲慶生朝遲似迎長十日試向綵衣堂下聽歡聲洋
溢小孫能笑長能歌已自堪娛膝管取婆猶未老見

滿江紅堆笏

滿江紅次賈子濟韻

節物怱怱又還見濃春入眼那更是曉風初扇宿雲都

笑

五

捲蝶舞已便花蕊亂燕歸仍愜香泥暖又何須女手學
春工并刀翦歡樂事郊垌徧游賞處輪蹄遠聽誰家

絃管日開華宴有客摘毫多麗句慙予拆襪無長線問

新來詩酒頗然疏怎消遣

又次子雲弟韻

五十頭顱早已覺飛騰景暮愁眼看蜂黃蝶粉草煙花
露莫做陽臺雲雨夢休懷渭北春天樹悵城闌多少路

青人紅塵路懷古恨憑書訴傾國貌障羞妒記山陰

陳迹羣賢星聚對景裁詩真漫與看花不飲成虛負問

落紅千點總隨流歸何處

又壽韓思機

七袞華年這強健人誰得似還又見設弧令旦秋風生
桂教子已成森砌玉弄孫仍得追風驥更後堂深處著
蟬娟笙歌沸香鬢篆杯浮螳歡意洽酖顏醉有靜中
日月閒中天地不必親扶靈壽杖何須遠挹浮北袂看
蟠桃著子又開花三千歲

念奴嬌次賈子濟韻

瓊苞玉屑問天公底事亂拋輕墜城郭山川都一樣那
得箇般清氣謝女才情如何只道柳絮因風起比梅差
可但無緣萼紅蕊坐上十客雄豪頽然一老草具相
邀致驅盡寒威憑酒力買笑千金須費誰辦佳詞洛陽
年少筆下生新意待添幾琰共君今夕同醉

笑

太

虞美人送張監稅

二年瀏水司征權小卻平戎略征衫指日去朝京恰恰
一江新淥可揚舲詩工畫妙俱臻極到處留真蹟一
尊莫惜暫停燒不待離歌唱徹已魂銷

又茂叔季功置酒稽古堂以瓶貯四花因賦

梅桃末利東籬菊著箇瓶兒簇尋常四物不同時恰似
西施二趙太真妃從來李郭多投分伯仲俱清俊蒼
顏獨我已成翁尙許掀髯一笑對西風

又送周監稅

周郎素蘊平戎略聊此司征權他人兩載已辭難君獨
三年只作一朝看紫萸黃菊重陽後木落秋容瘦休

斟別酒慘離裾戚晚如今箇箇有新除
又次沈莊可韻

天公有意留君住故作纖纖雨閉門覓句自持觴並舍
官梅時有過來香沈郎詩骨元來瘦更挹湘江秀不
須罵雨及嘲風收拾箇般都入錦囊中

醉落魄丙寅中秋

瓊樓玉宇分明不受人閒暑尋常豈是無三五惟有今
宵皓彩皆同普素娥閱盡今和古何妨小駐聽吾語
當年弄影婆娑舞妙曲雖傳畢竟人何許

采桑子老人生日
中秋過了還逢社壽我親闌百里熙熙盡道平反賴母

笑

北

蕊 瀏川水闊吾山峻福祿如斯綠鬢青眉子又生孫
孫又兒

又贈麗華

餞筵綵繞紅圍處只這孩兒兩淚垂垂不忍教人遠別
離別離不作多時計千日爲期卻恐歸時人道尋春
已較遲

朝中措寒食前一日陪令佐小飲縣圃席上賦

海棠零落瑤花繁春意已將闌予告恰當寒食邀賓同
賞芳園湄湘臺畔杯盤楚楚歌舞喧喧預約牡丹開
後更須重倒清尊

古詩
告作寒食

卜算子

春事到清明過了三之二穠李天桃委路塵太半成泥
滓只有海棠花恰似楊妃醉折向銅壺把燭看且莫
教渠睡

又客有惠牡丹者其六深紅其六淺紅貯以銅瓶置之

席間約五客以賞之仍呼侑尊者六輩酒半入簪其

一恰恰無欠餘因賦

誰把洛陽花翦送河陽縣魏紫姚黃此地無隨分紅深

淺小插向銅瓶一段真堪羨十二人簪十二枝面面

交相看

減字木蘭花壽李茂叔

仲春上七門左垂弧當此日點檢春光百草千葩已鬪

笑

芳折花持酒綵袖殷勤來祝壽明歲而今穩向南宮

待捷音

又

偶然相聚最是人閒堪樂處散步尋春來作琴堂不速
賓緩歌一曲野鷺紛紛都退縮不用多杯準擬花時

日日來

又戲萬安胡簿

棲鸞高士文采風流誰得似年德雖高對酒當歌氣尚
豪明眸皓齒一朵紅蓮初出水膝上安排愛惜須教

不離懷

又用季功韻戲呈子定

遇如不遇最是暫來還復去歸到鄉關欲再來時卻恐
難丁寧去後倩雁傳書須訪舊萬斛窮愁逐水那容
許大舟

柳梢青惜花

春事恩恩花慵柳困雨橫風狂寄語詩人須燒銀燭與

照紅妝休言桃李河陽但過眼難尋色香只有今宵

更無明日且緩飛觴時作觴者

又乙丑自壽

遜齋居士今年今日又添一歲鬢雪心灰十分老嬾十
分憔悴休言富貴長年那箇是生涯活計茗飲一甌

紋楸一局沈煙一穗

笑

尤

又

薄晚纔晴相邀移席待月中庭環坐斯須屋山高處忽
吐微明雲收雨止風停人世有瓊樓玉京一任星移

從教斗轉且緩飛觥

又送別陳廉州於一片蒲湘

合浦名邦風流太守紫綬金章暫駐旌麾來臨祖席一
片蒲湘且須緩舉離觴細看取眉間點黃未到還珠

已聞賜璽歸近清光

又兩邑大夫鞭春之集城南主人張澧州有詞次其韻

兩令邀賓城南佳處餞臘迎春步入梅林紛紛縞袂開

以紅英遙岑寸碧增明更酬唱無慙昔人一笑相歡

且斟佳醕休羨萼羹

生查子八月二十四日桂隱觀菊次彭季先韻

尊前主與賓欠一還成九休唱木犀詞預飲黃花酒
開懷今夕同分手明朝又不管歲年催且把馨香嗅

又謝德操席上次盧守韻

銀燭映紅衫薄暮新梳洗一笑奉賓歡未解東君意
迴廊月轉初憶趁良宵會喜事在明年劇飲拚先醉

點絳脣王園次施尉韻

九十韶光閒忙晴雨常相半賞春有願乘興寧論晚
縱飲筠溪日午花陰轉杯行緩量慳嫌淺須索斟教滿

又泚林寺勸農

笑

辛

小隊郊坰耄倪爭看銅章吏來宣德意勸相遵彝制

夜雨連明百穀應滋遂真奇事開禧元二總是豐登歲

又盧守席上

五馬歸來後車載得如花女緩歌金縷新樣京華舞

主悅賓歡一醉祛暑停簫鼓且須聽取三朵花能語

又慶江王之武子新居

甲第初成持杯酌酒來相慶棣華輝映相對開三徑

小巧規模百事都相稱年方盛從容嘯詠不礙青雲興

江城子重陽次施尉韻

開尊擬對菊花黃舞伊涼慘漁陽更有風流妓女勝徐娘
只道難逢開口笑爭馳逐利名場玉山藍水雨茫茫

茫采幽香泛清觴橙橘堆盤猶恨未經霜底事□□堪
喜處豐年最冠江鄉那大熱故卒章云

臨江仙慶謝操生子

憶我歸舟初繫岸君家盛事先知後房深處第三姬熊

羣符吉兆鸞鴛產佳兒袞袞慶源真未艾謝蘭還茁

新枝嬌嬰想見白和眉他年賢子弟今日小機宜

又丙寅生日自作

老子開年年五十依前恁地癡頑昨非今是有無閒惟

慙新赤絨不稱舊蒼顏休羨長年并極富休貪寶帶

腰銀人生難得是清閒急須拋縣印歸去隱家山

霜天曉角趙簿席上寫目前之景

笑

主

琉璃十椀獸炭紅鑪暖花下兩枝銀燭和氣洽歡聲滿

從他吹急管杯行須款款儘做更移漏轉也猶勝春

宵短

踏莎行

鶯離風塵燕辭門戶翩然舉翮輕飛去當初自恨探春

遲而今豈解留春住花不重開萍難再聚垂楊只管

牽離緒直饒雲雨夢陽臺夢回依舊無尋處

又三月二十日元擇旬會

驟暖忽寒送春迎夏金沙過了餘醺謝漏聲款款日偏

長奇峯歷歷雲如畫幸有杯觴堪同保社棋如飛雹

晴空下六人酬唱已成編他年遂水留佳話

又季功席上賦時移尊就月涼意甚佳主人親摘阮以
娛客故云

露溼冠巾風生襟袖月華耿耿明如畫主人情意十分
濃阮咸橫膝清音奏漸永更籌新涼氣候穿針乞巧
看看又卻憐相璫日無多偷閒且可陪觴豆

又
明月清風綠尊紅袖厭厭夜飲勝如畫雖然文字有餘
歡也須閒把笙歌奏十雨如期三秋屆候去年豐稔
今年又東阡西陌稼如雲笑他齊量區兼豆

又寄遠

一撮精神百般體態蘭心蕙性誰能賽霎時不見早思

笑

量許多日子如何睡我已安排你須寧耐看看重了
鴛鴦債此生永願不分飛傍人一任胡瞋怪

又七月十六日壽胡季海

自昔中元多生上相麒麟今又來天上雲衢雖未擢動
名月評先已騰聲望寶鼎濃熏金翅絕唱眞珠百斛
傾家釀斯辰聊用祝龜齡他年端合扶鳩杖

又乙巳正月二日雪

春已經旬曆方換歲六花依舊來呈瑞細思殘臘與新
年一般清絕元非二宿麥連雲遺蝗入地坡仙有句
誰能繼元宵此去日無多曾看霽色生和氣
南歌子

生世逢端午齊頭五十番一番須作一般看又聽競船
簫鼓沸江干不用絲纒臂休將艾插門及時蒲黍漫
登盤只恐歲華催促鬢毛斑

又懷人

心下懸懸地儂家好好兒相憐相惜許多時豈料一朝
輕拆便輕離要見無由見教歸不肯歸數珠嬾把鏡
慵窺所留者只有新添鬢雪減腰圍

好事近二月十日作

春事日相催紅盡淺桃深杏可惜窺園無暇任綠苔封
徑想誰說與雨和風休要太狂橫等待禁煙予告要
選幽尋勝

笑

卜算子二月二十六日夜大雷雨枕上作

午夜一聲雷急雨如飛電枝上殘紅半點無密葉都成
幄苦恨簿書塵剛把閒身縛卻憶湄湘春暮時處處
堪行樂

又二月晦偕徐孟堅滕蕃言李季功游裴公亭作

城上著裴亭亭下臨湘水潑黛揉藍畫不成暝色仍含
紫忙裏不知春卻問今餘幾相與偷將半日閒共把
塵襟洗

更漏子與黃幾叔然燭賞木犀幾叔歸而有作遂次其
韻

月蟠根天雨粟宜貯阿嬌金屋心欲醉眼偏明無窮佳

思生 焰銀釵紛寶翠倒著接離花下人已散夢初同
渴心猶望梅

謁金門 己巳為內子壽

香篆裏瓶裏梅英猶小鷺瓦霜華晴欲曉今年生日好
鬢綠顏朱不老女嫁兒婚將了四世團圓同一笑人

閒如此少

鷓鴣天 己巳生日自作

屈指新年五十三未嫌垂領雪鬢設弧屆旦人交賀
題座無功我自慙榮莫羨富休貪壽齡也不慕彭聃

只思了卻癡兒事一榻香凝曉夢酣

秦樓月 為陳仲壽

笑

蓋

三月一題輿恰屆垂弧日垂弧日武安門外歡聲揚溢
雙瞳炯炯頭如漆天公付與長生質長生質雲霄穩

坐持荷簪筆

卜算子 清明前一日約韓耕道盧國英皮國材葉南叔

同賞牡丹因點黃幾叔所惠綠燭遂賦

綠燭閒紅花絕豔交相照不分花時雨又風折取供吟
笑擬把插烏巾卻恨非年少點筆舒牋領略渠座客

詞俱妙

臨江仙 次黃幾叔韻賦醉醒

姑射仙人肌雪瑩笑他紅紫紛紛從教藏白後庭深
枝纔破舊鼻觀已遙聞花正繁時春又暮年華荏苒

催人惜花心事與誰論長哦清絕句目斷古南雲

笑

蓋

笑笑先生傳贊

先生不知何姓亦不知何許人也名與字不甚顯故自號曰笑笑先生焉先生生於官族總角知學稍長父師教以屬文使習爲舉子技性嬾且拙雖勉從之然非其所好也既冠漫試有司偶然中第從官踰一紀未離乎州縣閒人固莫已知已亦不汲汲於人之知也先生苦貧方其居閒時衣食常不繼妻啼兒號而先生了無愠容及其在官無俸餘之財視金玉如糞穢獨好聚書聚書滿屋每游居寢飯其下雖吏役拘縻奔走塵埃中亦未嘗廢卷也又其性不飲或窮年不知酒味而熏鑪茗椀所至輒以自隨詩不甚工棋不甚高然常以此自娛

笑附

人或從而笑之先生亦有時而笑人也先生之與人各笑其笑不知其孰是孰非耶嘗使人圖其形而自爲之贊其辭曰

觀先生之貌一錢不直視先生之室枵然四壁其所樂而玩者獨有古先聖賢之典籍使之環列左右常手之而不釋黃山谷所謂家人寒飢而面有孺子之色者其先生之謂耶殆未可以爲書癡而傳癖也

詞章之派端有自來溯源徂流蓋可考也昔聞張于湖一傳而得吳敬齋再傳而得郭迦齋源深流長故其詞或如驚濤出壑或如縵縠紋江或如淨練赴海可謂冰生於水而寒於水矣長沙劉氏書坊旣以二公之詞錄諸木而迦齋笑笑詞獨家塾有本一日予叩迦齋願併刊之庶幾來者知其氣脈且以成湘中一段奇事況三公俱嘗從宦是邦則珍詞妙句豈容有其二而闕其一迦齋笑而可之於是併書於後云嘉定元年立春日宋人滕仲因謹書

笑跋

仲因伏蒙迦齋先生以記顏副本見賜著之高堂素壁之間和氣充物喜而成贊謹以錄呈愧不若畫師之善形容也笑鑑幸甚仲因拜上

貌清而古氣剛且正膠膠擾擾於事物之中而能勝天者以定落落拓拓於宦海之內而能勝人者以靜萬事一笑山鳴谷應我不能辨鵝溪半幅畫寫精神反乞我以短筭尺許儘有風韻日以對之足消鄙吝